

## REGLUR

### um lágmarksfjárhæð starfsábyrgðartryggingar endurskoðanda og hámark eigin áhættu.

1. gr.

Starfsábyrgðartrygging endurskoðanda skal nema minnst 20.000.000 kr. vegna hvers einstaks tjónsatviks.

Heildarfjárhæð váttryggingabóta innan hvers árs skal nema minnst 50.000.000 kr.

Fjárhæðir þessar skulu miðast við vísitölu neysluverðs í september 2020, 487 stig, og breytast 1. janúar ár hvert, í fyrsta sinn 1. janúar 2022, í samræmi við breytingar á vísitölunni.

2. gr.

Hámark eigin áhættu váttryggingataka starfsábyrgðartryggingar endurskoðanda er 5.000.000 kr.

3. gr.

Reglur þessar, sem eru settar samkvæmt heimild í 2. mgr. 8. gr. laga nr. 94/2019 um endurskoðendur og endurskoðun, öðlast þegar gildi.

#### Ákvæði til bráðabirgða.

Váttrygging endurskoðanda sem er í gildi við gildistöku reglna þessara má halda gildi sínu til 31. desember 2020. Frá þeim degi skulu fjárhæðir váttrygginga endurskoðanda vera í samræmi við ákvæði reglna þessara.

*Endurskoðendaráði, 21. október 2020.*

**Áslaug Árnadóttir.**

**Jón Arnar Baldurs.**

**Hildur Árnadóttir.**